



中興以來絕妙詞選卷之四

宋詞

吳子和

名礼之號順受老人錢塘
人有詞五卷鄭國輔序之

喜迁鶯

閏元宵

銀蟾光彩喜稔歲閏正元宵還再樂事難并佳時罕
遇依舊試灯何礙花市又移星漢蓮炬重芳人海盡
勾引徧嬉遊宝马香車喧隘○晴快天意教人月更
圓償足風流債媚柳煙濃天桃紅小景物迥然堪愛
巷陌笑聲不斷襟袖餘香仍在待歸也便相期明日

吳子和

同是長句

踏青挑菜

醜奴兒 秋別

金風顫葉那更餞別江樓聽淒切陽關聲斷楚館雲
收去也難留萬重煙水一扁舟錦屏羅幌多應換得
蓼岸蘋洲○凝想恁時歡笑傷今萍梗悠○謾回首
妖饒何處眷戀無由先自悲秋眼前景物只供愁寂
寥情緒也恨分淺也悔風流

杏花天 春思

悶來凭得闌干暖自手引朱簾高捲桃花半露胭脂
面芳草如茵乍展○煙光散湖光潋灩映綠柳黃鸝

巧轉遙山好似宮眉淺人比遙山更遠

雨中花

眷濃恩重長離永別憑誰為返香魂憶湘裙霞袖杏
臉櫻唇眉掃春山淡○眼裁秋水盈○便如何忘得
溫柔情態恬靜天真○凭闌念及夕陽西下暮煙四
起江村漸入夜踈星映柳新月籠雲醞造一生清瘦
能消幾箇黃昏斷腸時候簾垂深院人掩重門

瑞鶴仙 秋思

風傳秋信至顫葉○庭梧飄零堦砌年華迅流水况
榮枯翻手存亡彈指誰編故紙論古往英雄鬪智在

當時喚做功名到此盡成閑氣○何謂生為行客死
乃婦人世同驛邸十步九計空撈攘謾兒戲忍都將
有限光陰縈絆趁逐無窮天地我直須跳出樊籠做
箇俏底詞鄙意高

驀山溪感舊

劉郎老矣倦入繁華地觸目愈傷情念陳迹人非物
是共誰携手落日步江村臨遠水對遙山閑看煙雲
起○買牛賣劍便作兒孫計朋舊自榮華也怜我無
名無利簞瓢鍾鼎等是百年身空妄作枉迂回貪愛
從今止

風入松江景

蘋汀蓼岸荻花洲占斷清秋五湖景物供心眼幾曾
有一點閑愁夢裏翩二胡蝶竟來葉二漁舟○謝郎
隨分揔優游信任沉浮恬然雲水無貪吝笑腰纏騎
鶴揚州只恐丹青妙筆寫傳難盡風流

漁家傲閨思

紅日三竿鶯百啭夢回鴛枕離魂亂料得玉人腸已
斷眉峯歛曉粧鏡裏春愁滿○綠瑣窗深難見面雲
牋謾寫教誰傳聞道笙歌歸小院梁塵顫多因唱我
新詞勸

蝶恋花 春思

睡思厭_二鶯喚起簾卷東風猶未忺梳洗眼細眉長
雲擁髻笑垂羅袖熏沈水○媚態盈_二閑舉止只有
江梅清韻能相比詩酒琴棋歌舞地又還同醉春風
裏

蝶恋花 別恨

急水浮萍風裏絮恰似人情恩愛無憑據去便不來
_二便去到頭畢竟成輕負○簾卷春山朝又暮鶯燕
空忙不念花無主心事萬千誰與訴斷雲零雨知何
處

蝶恋花 春思

滿地落紅初過雨綠樹成陰紫燕風前舞烟草低迷
縈小路昼長人靜扃朱戶○沉水香銷新剪苧欹枕
朦朧花底聞鶯語春夢又還隨柳絮等閑飛過東牆
去

桃源憶故人 春暮

画橋流水飛花舞樓外斜風細雨紅瘦綠肥春暮腸
斷桃源路○惟隨仙子乘鵞去鏤月裁雲何處唯有
病和愁緒肯伴劉郎住

謁金門 春晚

風乍扇簾外落紅千片飛盡落花春不管聞忙鶯與
燕○往事上心撩亂睡起日高猶倦料得伊家情眷
二近來長夢見

霜天曉角

王生陶氏月夜共沈西湖賦此吊之

連環易缺難解同心結癡騃佳人才子情緣重怕離
別○意切人路絕共沈烟水闊蕩漾香魂何處長橋
月斷橋月

霜天曉角

秋景

西風又急細雨黃花濕樓枕一篙煙水蘭舟漾画橋
側○念昔空淚滴故人何處覓魂斷菱歌淒怨踈簾

卷暮山碧

生查子

浙江

吳山與越山相對摩今古梟纜浙江

回首西興渡

○區區名利人無香閨住匆遽促征鞍又入臨平路

鄭中卿

名域三山人號松窓慶元丙辰多隨張
貴謨使虜有燕谷剽聞兩卷記虜中事

甚詳

画堂春

春思

東風吹雨破花慳客羶曉夢生寒有人斜倚小屏山
蹙損眉弯○令是一釵雙燕却成兩鏡孤鶯暮雲脩

鄭中卿

同卷卷四

五

竹淚留殘翠袖凝斑

桃源憶故人春愁

東風料峭寒吹面低下綉簾休卷憔悴怕它春見一
任鶯花怨○新愁不受詩排遣塵滿玉毫金硯若問
此愁深淺天闊浮雲遠

念奴嬌 戊午生日作

嗟來咄去被天公把做小兒調戲蹀雪龍庭歸未久
還促炎州行李不半年間北胡南越一萬三千里征
衫着破着衫人可知矣○休問海角天涯黃蕉丹荔
自足供甘旨泛綠依紅無箇事時舞斑衣而已救蟻

藤橋養魚盆沼是亦經綸耳伊周安在且須學老萊
子

昭君怨 梅花

道是花來春未道是雪來香異水外一枝斜野人家
○冷淡竹籬茅舍富貴玉堂瓊榭兩地不同栽一般
開

浣溪沙 別恨

酒薄愁濃醉不成夜長欹枕數殘更嫩寒時節過燒
燈○已自孤鶩羞對鏡未能雙鳳怕聞笙莫教吹作
別離聲

謝勉仲

名懋號靜寄居士有樂章二卷吳坦伯
明為序稱其片言隻字憂玉鏗金醞藉

風流為世所貴云

憶少年

寒食

池塘綠遍王孫芳草依二斜日游絲捲晴晝繫東風
無力○蝶趁幽香蜂釀蜜秋千外卧紅堆碧心情費
消遣更梨花寒食

石州引

別恨

日脚斜明秋色半陰人意淒楚飛雲特地凝愁做弄
晚來微雨誰家別院舞困幾葉霜紅西風送客聞砧

杆鞭馬出都門正潮平洲渚○無語匆二短棹滿載
離愁片帆高舉京洛紅塵因念幾年羈旅淺顰輕笑
風月逢迎別來誰畫雙眉嫵回首一銷凝望歸鴻容
與

洞仙歌

春雨

愁邊雨細漠二天如醉搖颺遊絲晚風外釀輕寒和
暝色花柳難勝春自老誰管啼紅斂翠○閑情潛入
夜斜濕簾櫳幾處挑灯耿無寐念陽臺當日事好伴
雲來因箇甚不入襄王夢裏便添起寒潮捲長江又
恐是離人斷腸清淚

杏花天 春思

海棠枝上東風軟。蕩霽色、煙光弄暖。雙燕子、
歸來晚。零落紅香過半。琵琶淚、揜青衫淺。
念事與危腸。易斷餘醒未解。扶頭懶。屏裏滿。
湘夢遠。

畫堂春 秋思

西風庭院雨垂垂。黃花秋閨遲已涼。天氣未寒時才。
褪單衣。○睡起枕痕猶在。鬢鬆釵壓雲低。玉奩重拂。
淡胭脂。情入雙眉。

武陵春 惜別

門掩東風人去後。愁損燕鶯心。一朶梅花淡有春粉。

黛不忺勻。○我亦青樓成倦客。風月強追尋。莫把恩情。
做弄成容易。學行雲。

霜天曉角 桂花

綠雲剪葉低護黃金屑。占斷花中聲。香與韻。兩清。
潔。○勝絕君聽說是它來處。別試看仙衣。猶帶金庭。
露玉階月。

風流子 行樂

少年多行樂。方豪健。何處不嬉遊。記情逐艷波。暖香。
斜徑。醉搖鞭影。撲絮青樓。難忘是笑歌。偏婉婉。鄉號。
得溫柔。嬌雨娛雲。旋寬衣帶。賸風殘月。都在眉頭。○

言思卷四
一戍憔悴損人驚恠空自引鏡堪羞誰念短封難托
征鴈虛浮念夜寒灯火懶尋前夢滿窓風雨供斷閑
愁情到不堪言處却悔風流

念奴嬌 中秋呈徐叔至

霽天湛碧正新涼風露冰壺清徹河漢無聲光練
湧出銀蟾孤絕岩桂香飄井梧影轉冷浸宮袍潔西
廂往事一簾輕夢悽切○腸斷楚峽雲歸尊前無緒
知有愁如髮此夕常娥應也恨冷落瓊樓金闕禁漏
迢迢邊鴻杳幽意憑誰決闌干星斗落梅三弄初
闕

鵲橋仙 七夕

鈎簾借月染雲為幌花面玉枝交映涼生河漢一天
秋問此會今宵孰勝○銅壺尚滴燭龍已駕淚浥西
風不盡明朝烏鵲到人間試說向青樓薄倖

趙文鼎

名善扛號解林居士詩詞
甚富蓋趙德莊之流也

傳言玉女 上元

璧月珠星輝映小桃穠李化工容易與人間富貴東
風巷陌春在暖紅溫翠人來人去笑歌聲裏○油壁
青驄第一番共燕喜舉頭天上有如人意歌傳樂府

言思老口
猶是昇平風味明朝須判醉眠花底

好事近

風動一川花搖漾影迷紅碧人立杏花陰下泛光風
襲二〇瓊枝壁月互相輝春容泫將夕羅蓋暗承花
霧漬鮫綃香濕

重疊金 春遊

楚宮楊柳依二碧遙山翠隱橫波溢絕艷照穠春二
光欲醉人〇纖二芳草嫩微步輕羅襯花戴滿頭歸
遊蜂花上飛

重疊金 春思

玉関芳草粘天碧春風萬里思行客驕馬向風嘶道
歸猶未歸〇南雲新有鴈望眼愁邊斷膏沐為誰容
倚樓煙雨中

重疊金 春宵

一川花月青春夜玉容依約花陰下月照曲闌干紅
綃浥露寒〇袖香溫素手意鏤金卮酒香遠綉簾開
画樓吹落梅

十拍子 上巳

柳絮飛時綠暗茶蘼開後春酣花外青帘迷酒思陌
上晴光收翠嵐佳辰三月三〇解佩人逢遊女踏青

草闢宜男醉倚画欄。檻北夢遶清江。水南飛鳶與並驂。

青玉案 春暮

一年陌上尋芳意。想人在東風裏。褪粉銷紅春有幾。青翰飛去。紫雲凝佇。往事如流水。○煙橫極浦山無際。暗解明璫問誰寄。鄉在溫柔何處是。輪囷香霧。靜深庭院。簾影參差翠。

燭影搖紅 肝江有懷

桃李墻頭向人都。侶他年意。舞絲千丈。颺晴光。駘春春無際。花氣薰然自醉。傍垂楊行。緩轡倦遊無柰。

回首雲山。歸期猶未。○玉鎖樓空。鳥啼花外。東風起。少年恩怨。付波流。臨望朱闌倚冉。塵生客袂。對尊前高情。暫寄洞天一笑。仙馭乘空。姑峰凝翠。

謁金門 春情

新雨霽。開遍滿園桃李。波暖池塘風細。一雙花鴨戲。○喚起春融睡。美扶醉宿粧慵理。移步避人花影裏。綉裙低窄地。

宴清都 錢明遠兄縣丞榮滿赴調

疎柳無情緒。都不管。渡頭行客欲去。猶依賴得。玉光萬頃。爲人留住。相從歲月如驚歎。回首離歌又賦更。

詞學卷四
舉目斜照沈。西風剪。秋墅。君行定憶南池歌
筵舞地花晨月午八磚步日三雍奏樂送君雲路別
情未抵遺愛試聽取湖山共語便可能無意同傾一
尊露醕

小重山 別情

汲水添瓶恰換花蜂兒爭要採打窓紗青春誰與度
年華絃索暗無緒幾曾拏。春思正交加馬蹄聲錯
認客還家花牋欲寫寄天涯羞人見羅袖急忙遮

感皇恩

七十古來稀吾生已半莫把身心自縈絆據他緣分

且恁隨時消遣但知逢酒飲逢花看。林泉有約風
光無限日上花梢起來晚芒鞋竹杖信步水村山館
更尋三兩箇清閑伴。乙未生朝作

賀新郎 夏

晝永重簾卷。下池塘一番過雨芰荷初展竹引新梢
半含粉綠蔭扶疎滿院過花繁蜂稀蝶懶窓戶沈。
人不到伴清幽時有流鶯囀凝思久意何限。玉釵
墜枕風鬟顫湛虛堂壺冰瑩徹簾波零亂自是仙姿
清無暑月影空垂素扇破午睡香銷餘篆一枕湖山
千里夢正白蘋煙棹歸來晚雲弄碧楚天遠

喜迂鶯春宴

韶華駘蕩看化工盡力安排春
伏薄霧霏煙軟風輕
日物態與人交暢鳥聲弄巧千調樓影垂空十丈亂
花柳粲宝鈿纓絡綵絲帷帳
○佳賞輝艷冶笑語盈
二花面交相向歌運長縑酒凝深碧和氣盎然席上
好春易苦風雨人意難逢舒放但拍掌醉陶然一笑
忘形天壤

趙德莊

名彥端號介

庵官龍圖

瑞鶴仙

記河梁折柳問画堂樂事燕鴻難偶十年謾回首但
亭二紫蓋差二南斗傳聞小有種桃花親煩素手恠
歸來道骨仙風縹緲迥然非舊○清晝江南如画紫
菊冬前翠橙霜後扁舟渡口佳客至奉名酒喚青鸞
起舞雲窓月罅一曲山明水秀笑相看玉海別來淺
如故否

祝英臺近 春恨

獸金寒簾玉潤梅雪印苔絮春意如人易散苦難聚
幾多絲竹深情池塘幽夢猶倚賴與春同住○舊游
處誰喚別浦仙帆風前問征路煙雨連江吹恨正無

數莫教紫燕歸來彩雲開後空悵望主人歸去

清平樂

閨思

桃根桃葉一樹芳相接春到江南三二月迷損東家胡蝶○殷勤踏取春陽風前花正低昂與我同心支子報君百結丁香

鵲橋仙

紅白蓮

藕花塘上無塵無暑灑一池秋淨綠羅寶蓋碧瓊竿翠浪裏重二月影○一家姊妹兩般粧束濃淡施朱傅粉夜深風露逼人寒問誰在牙床酒醒

謁金門

春半

春已半綉綠新紅如換燕子還來簾幙畔閑愁天不管○翠被曲屏香滿花葉彩牋人遠鵲喜珠絲都未判連環空約腕

黃子厚

名銖號穀城翁與朱文公爲友喜作古詩樂章甚少其母孫夫人能文有詞見

前唐宋集

江神子

晚泊分水

秋風嫋二夕陽紅晚煙濃暮雲重萬疊青山二外叫孤鴻獨上高樓三百尺憑玉楯睇層空○人間日去匆匆碧梧桐又西風北去南來銷盡幾英雄擲下

言選卷四
玉尊天外去多少事不言中

菩薩蠻夜宿崇安縣第三鋪聞吹簫

海山翠疊青螺淺暮雲散盡天容遠匹馬度江臯北
風生怒號○解鞍棲倦翮皓月空庭白何處小闌干
玉簫吹夜寒

漁家傲

朱晦翁示歐公鼓子詞戲作一首

永日離憂千萬緒雪舟遠泛清漳浦珍重故人寒夜
語揮玉塵沈沈畫閣凝香霧○風砌落花留不住紅
蜂翠蝶閑飛舞明日柳營江上路雲起處蒼山萬疊
人歸去

趙昌甫

名蕃號章泉負天下重望屢召不起劉後村所謂一生官職監南岳四海詩名仰玉山者此也

小重山

寄劉叔通先生亭云小重山一闕傳

聞叔通吾兄間留建城銜孟之際可令歌以醉我否

何地無溪祗欠人有翁年八十住其濱直鉤元不事
絲緡優游爾聊以遂吾身○陶令賦歸辰未嘗輕出
入犯風塵江州太守獨情親廬山醉誰主復誰賓

菩薩蠻

送游季仙歸東陽

雞聲茅店炊殘月板橋人跡霜如雪此是古人詩身
經老忘之○君行當此境今我昏成醒乘月犯霜來
詩真誤爾哉

韓仲止

名澆 號澗泉

南澗先生之子

賀新郎

梅

梅已依稀矣歲華深脩然向晚杖藜獨倚山遠荒林
黃葉墜落日孤城烟水意興寄如何則是底事疎枝
橫絕峭未吹香便與花相似不忍折爲之喜○寒鴉
數點霜風裏正人家園收芋栗小槽初美欲飲可誰

同一醉擬賦才成又止老態度渾侵髮齒摸索孤根
春在否任紅白皆桃李空爛熳豈能爾

易彥祥

名被長沙人

寧宗朝狀元

驀山溪

春情

海棠枝上留得嬌鶯語雙燕幾時來並飛入東風院
宇夢回芳草綠遍舊池塘梨花雪桃花雨畢竟春誰
主○東郊拾翠襟袖霑飛絮寶馬趁彫輪亂紅中香
塵滿路十千斗酒相與買春閑吳姬唱秦娥舞拚醉
青樓暮

喜遷鶯 春感

帝城春晝見杏臉桃腮胭脂微透一霎兒晴一霎兒
雨正是催花時候淡烟細柳如画雅称踏青携手怎
知道那人二獨倚闌干消瘦○別後音信斷應是淚
珠滴遍香羅袖記得年時膽瓶兒畔曾把牡丹同嗅
故鄉水遙山遠怎得新歡如舊強消遣把閑愁推入
花前盃酒

蔡行之

名幼學號溪園永嘉人

壬辰南宮進士第一

好事近 送春

日二惜春殘春去更無明日擬把醉同春住又醒來
岑寂○明年不怕不逢春嬌春怕無力待向灯前休
睡與留連今夕

陳同甫

名亮永康人

光宗朝狀元

水龍吟

春恨

鬧花深處層樓画簾半捲東風軟春歸翠陌平莎茸
嫩垂楊金淺遲日催花淡雲閣雨輕寒輕暖恨芳菲
世界游人未賞都付與鶯和燕○寂寞憑高念遠向
南樓一聲歸鴈金釵鬪草青絲勒馬風流雲散羅綬

詞選卷四
分香翠綃封淚幾多幽怨正銷魂又是疎烟淡月子規聲斷

洞仙歌 秋雨

瑣窓秋暮夢高唐人困獨立西風萬千恨又簷花落處滴碎空堦芙蓉院無限秋容老盡○枯荷摧欲折多少離聲鎖斷天涯訴幽悶似蓬山去後方士來時揮粉淚點二梨花香潤斷送得人間夜霖鈴更葉落梧桐孤灯成暈

虞美人 春愁

東風蕩颺輕雲縷時送瀟二雨水邊臺榭燕新歸一

口香泥濕帶落花飛○海棠糝徑鋪香綉依舊成春瘦黃昏庭院柳啼鴉記得那人和月折梨花

眼兒媚 春愁

試灯天氣又春來難說是情懷寂寥聊似楊州何遜不爲江梅○扶頭酒醒爐香熈心緒未全灰愁人最是黃昏前後烟雨樓臺

思佳客 春感

花拂闌干柳拂空花枝綽約柳鬟鬆蝶翻淡碧低邊影鶯囀濃香杪處風○深院落小簾櫳尋芳猶憶舊相逢橋邊携手歸來路踏皺殘花幾片紅

清平樂

秋晚伯成兄往龍興山中意其登山臨水不無閨房之思作此詞惱之

銀屏綉閣不道鮫綃薄嘶騎匆匆塵漠漠還過夕陽村落○亂山千疊無情今宵遮斷愁人兩處香消夢
竟一般曉月秋聲

滴金梅

斷橋雪霽聞啼鳥對林花弄晴曉画角吹香客愁醒見梢頭紅小○團酥剪蠋知多少向風前壓春倒江
嶂人烟画圖中有短篷香繞

李居厚

名廷忠自號橘山長於四六有樂府一卷然多是獻壽之詞

水龍吟 壽寧國太守王大卿正月二日

風流最數宣城奇山秀水神仙府琴高臺畔花姑壇
上鸞翔鳳舞春度玉墀月昇金掌榮分銅虎想少陵
知有異人間出三百載留住佳句○歲二椒盤柏竿到
明朝又還重舉陽和散作千岩瑞雪兩溪甘雨汲取
恩波釀成祿酒慶公初度有東風傳報都人已爲築
沙堤路

沁園春

劉摯幹會飲同寮出示新詞席上用韻

幕府增輝前度劉郎又還到來看芙蓉池畔神凝秋
水綺羅叢裏騷動春雷彩筆新題金釵半醉當日英

雄安在哉開筵處是真仙福地不著纖埃○堪怜勸
客情懷聽吹竹彈絲金奏諧有黃花插鬢何妨歌帽
綠橙醒酒莫惜空罍坐上踈狂簾間姝麗應想橫波
一笑回停杯久待嬌歌緩勸歸騎休催

水調歌頭

武昌南樓落成次王漕韻

撫景幾今古遺恨此江山百年形勝但見幽草雜枯
管多少名流登覽賴有神扶壞棟詩墨尚斑斑風月
要磨洗願我已衰顏○擎天手携玉斧到江干一新
奇觀領客觴詠有餘閑烟草半川開霽城郭兩州相
望都在画屏間便擬騎黃鵠直上扣雲關

滿江紅

上夔帥樂秘閣生日

玉帳西來道前是綉衣使者游覽處秋風鼓吹自天
而下湘水得霜清可鑒巫峯過雨森如画有神仙佳
致在胸襟真瀟洒○荊州宝元無價夔門政長多暇
聽談兵樽俎百川傾瀉此日壽觴容我勸它年樞柄
還公把趣桂花時節去朝天香隨馬

鷓鴣天

九日南樓和范總幹韻

檻外長江浪拍空蕭蕭紅蓼白蘋風三秋告稔三農
慶九日追懽九客同○烟渚北月岩東莫嫌光景太
匆匆登龍戲馬英雄事都在南樓一嘯中

踏沙行

趙寬夫十二月十二日生賦此爲壽

星野涵輝雲峰環翠南園迎鵬開梅蘂瑤臺仙子笑
相逢金釵行裏拚沉醉○照乘驪珠出閑天驥相隨
壽母多年紀春風侍宴室花樓五枝七葉都榮貴

李知幾

名石 號方舟

臨江仙

夜景

煙柳疎三人悄二畫樓風外吹笙倚欄聞喚小紅聲
薰香臨欲睡玉漏已三更○坐待不來二不去一方
明月中庭粉牆東畔小橋橫起來花影下扇子撲飛

螢

長相思 春思

花飛二絮飛二三月江南烟雨時樓臺春樹迷○雙
鶯兒雙燕兒橋北橋南相對啼行人猶未歸

漁家傲

贈鼎州官妓

西去征鴻東去水幾重別恨千山裏夢繞綠窓書半
紙何處是桃花溪畔人千里○瘦玉倚香愁黛翠勸
人須要人先醉問道明朝行也未猶自記灯前背立
偷垂淚

出塞

夜夢一女子引扇求字爲書小闕

花樹。吹碎胭脂紅雨。將謂郎來推綉戶。暖風搖竹
塢。○睡起闌干凝佇。漠。紅樓飛絮剗踏襪兒垂手
處。隔溪鶯對語。

游子明

名次公建安人號西池范石湖帥桂
林日西池實參內幕有唱酬詩卷

賀新郎

月夜

斗柄回秋律。素蟾飛冰霜萬里滿川金碧。得月偏多
何處是。惟有橋南第一。正野迥。西風寒寂。丹桂婆娑
踈影在。想微瑕未累。千金壁。河漢遠澹無迹。○知君
有句酬佳夕。低高。胡床自倚露溥珠溢。坐到參橫

星欲闇。隱。天低似笠。但絡緯悲啼。催織吟詠淒涼
翻有恨。諒知音人遠空。追憶誰爲置。鄭莊驛。

賀新郎

宮詞

暖雲浮晴縹。鎖垂楊籠池罩閣。萬絲千縷池上曉光
分宿霧。日近羣芳易吐。尋並蒂闌干凝竚。不信釵頭
飛鳳去。但宝刀被妾留還住。天一笑。萬花妬。○阿嬌
正好金屋貯。甚西風易得蕭疎。扇寫塵土。一自昭陽
扃玉戶。牆角土花無數。况多病情傷幽素。別殿時聞
簫鼓奏。望紅雲冉冉。知何處。天尺五。去無路。

滿江紅

丹青閣

一舸歸來何太晚
鬢絲如織謾歎息
淒涼往事盡成陳
迹山迫暮烟浮
紫翠溪搖寒浪翻
金碧看長虹渴飲
下青冥危欄濕
○誰可住烟蘿側
俗士駕當回勒
伴岩扃須是碧雲
仙客風月已供無
盡藏溪山更衍清
涼國恨謫仙蘇二
不曾來無人說

危逢吉

名稔自號巽三

水龍吟 慶齊年諸丈

洛陽九老圖中當時司馬年猶小
爭如今夕舉盃相勸
十人齊壽已幸同庚
何分雌甲本無多少
但有頭

可白無愁可解只如此都贏了
○慶禮十年還又更
十年依前難老
休教百歲做人高
祖見孫白首却要
從今探梅脚健看
山眼好賴天公頓
得東園長在陪
歌陪酒

漁家傲

和晏虞卿詠侍兒彈箜篌

老去諸餘情味淺
詩詞不上閑釵釧
宝幌有人紅兩靨
簾間見紫雲元在
梨花院
○十四條絃音調
遠柳絲不隔芙蓉
面秋入西窓風露
晚歸去懶酒酣一
任烏巾岸

沁園春

壽許貳車

籍甚聲名門闌相種文章世科筭當年瑞世正當夏
五仙家毓德全是春和底事屏星着之海嶠奈此騰
驤驥足何君知否看飛來丹詔徑上鳶坡○殷勤携
酒相過要灑_二浮君金叵羅嘆同心相契古來難覓
二年同處意摠無它如此平分更教添箇也自清風
明月多拚沉醉任光浮綠鬢笑滿紅渦

中興以來絕妙詞選卷之四

